

1800~1911

中国近现代教育资料汇编

第八十九册



海豚出版社

1900~1911



中国近现代教育资料汇编

第八十九册

海豚出版社

图书在版编目(CIP)数据

中国近现代教育资料汇编：1900~1911 / 庄俞等编. -- 北京：
海豚出版社，2015.9

ISBN 978-7-5110-2688-0

I. ①中… II. ①庄… III. ①教育史—资料—汇编—
中国—1900~1911 IV. ①G529.5

中国版本图书馆CIP数据核字(2015)第164136号

书 名：中国近现代教育资料汇编（1900~1911）

编 者：庄俞、蒋维乔等

总发行人：俞晓群

责任编辑：李忠孝 陈三霞 李宏声 邹媛 孙时然

责任印制：王瑞松

出 版：海豚出版社有限责任公司

网 址：<http://www.dolphin-books.com.cn>

地 址：北京市西城区百万庄大街24号

邮 编：100037

电 话：010-68997480（销售） 010-68998879（总编室）

传 真：010-68998879

印 刷：虎彩印艺股份有限公司

经 销：北京人天书店有限公司

开 本：16开（710毫米×1000毫米）

印 张：3805

字 数：25200千

版 次：2015年10月第1版 2015年10月第1次印刷

标准书号：ISBN 978-7-5110-2688-0

定 价：84000.00元（全套140册）

ISBN 978-7-5110-2688-0



版权所有 侵权必究

目 录

师范类

中学中国历史读本
卷五～卷八

中学中国历史读本

充建德報讎臣今永建君親實羞見諸賊地下帝驚報曰明當鞠問汝宜早參陳門世民率長孫無忌等伏兵於元武門建成元吉俱入至臨湖殿覺有變欲還世民追射建成殺之尉遲敬德射殺元吉帝乃立世民爲太子軍國庶事悉聽太子處分然後奏聞尋傳位於太子太子固辭不許乃即位是爲太宗文武皇帝

唐代諸帝二 太宗

帝爲三代後第一令主行政之美史不勝書而以納諫一事爲得致治之本即位之始卽制諫官隨宰相入閣議事後又令京官五品以上更宿中書內省數延見問民疾苦政事得失魏徵爲諫議大夫徵常事太子建成帝舉而用之徵見帝銳於爲治知無不言及徵亡帝謂侍臣曰人以銅爲鏡可正衣冠以古爲鏡可見興替以人爲鏡可知得失徵亡朕失一鏡矣

房元齡杜如晦同爲宰相帝每與元齡謀事必曰非如晦不能決及如晦至卒用元齡策蓋元齡善謀如晦善斷也故唐世言賢相者推房杜帝嘗謂元齡如晦曰公爲僕射當廣求賢人隨才授任比聞聽訟日不暇給安能助朕求賢乎因勅左右丞惟

中學中國歷史讀本 卷五

四

大事乃關僕射。

帝用人不拘常格。馬周嘗客遊長安。舍於中郎將常何之家。會以旱求言。何武人不學。周代之陳便宜二十餘策。上怪問之。何以實對。帝卽召見。與語說之。除監察御史。帝尤重親民之官。常令五品以上舉堪爲縣令者。悉以名聞。

時天下太平。米斗不過三四錢。終歲斷死刑者纔三十九人。東至於海。南及五嶺。皆外戶不閉。行旅不齎糧。取給於道路焉。

帝文治既優。武功尤盛。首平突厥。次及吐谷渾。薛延陀。高昌。焉耆。龜茲等國。皆深入其地。改置名王。設都護官。以領其衆。又征五天竺。俘其王致闕下。時四夷君長爭入獻見。每元正朝賀。常數百千人。由數百惟征高麗無功而還。

由千也百

惟征高麗無功而還

帝念股肱之臣。乃圖其形於淩煙閣。以長孫無忌爲首。共二十四人。

王長
李孫
蔡無
杜思
如趙
陳郭

長魏
孫敬
順房
德主
張勝
亮高
侯士
晉康
集財
孤遜
公敏
羅德
程李
知晴
節蕭
虞珉
世段
南志
劉立
政劉
會弘
唐基
餘恩
李奕
世通
勤殷
秦開
叔山
賀榮

刺客紇干承基等謀刺之。侯君集以太子闇劣，欲乘機圖之。因勸之反。事發，帝面責太子。太子曰：「臣爲太子，復何所求？但爲泰所圖。」時與朝臣謀自安之術，不逞之徒遂教臣反。若泰爲太子，正落其度內也。帝乃廢承乾爲庶人，立晉王治爲太子。貶泰爲東萊郡王。侯君集被收，帝謂侍臣曰：「君集有功，欲乞其生可乎？」羣臣不可。帝乃泣謂之曰：「與君長訣矣。」遂殺之。而原其妻子。帝自立太子，遇物則誨之，見其飯，則曰：「汝知稼穡之艱難，則嘗有斯飯矣。」見其乘馬，則曰：「汝知其勞，而不竭其力，則常得乘之矣。」見其乘舟，則曰：「水所以載舟，亦所以覆舟。民猶水也，君猶舟也。見其息於樹下，則曰：「木從繩則正。后從諫則聖。」復作帝範十二篇賜之。帝崩，太子治卽位，是爲高宗皇帝。

太宗平突厥

隋氏既衰，突厥大盛。劉武周、梁師都、苑君璋、劉黑闥之徒，屢引之入寇。唐高祖起晉陽，嘗臣突厥以自助。太宗初卽位，頡利突利二可汗引兵深入，帝與盟於便橋之上。突厥引兵退。後突利可汗來降，帝遣李靖大破頡利於陰山。頡利亡走，追獲之。漠南之地遂空。帝用溫彥博策，處突厥之衆東自幽州，西至靈州，以突利爲順州都督，使

中學中國歷史讀本 卷五

六

帥其部落之官。別部西突厥。居金山之北。號車鼻可汗。遣高侃征之。擒車鼻。送於京師。

太宗平薛延陀

薛延陀本鐵勒種。亦突厥舊部。太宗欲圖突厥。遣使冊立其酋長夷男爲眞珠可汗。頡利被擒。眞珠可汗建庭獨邏水南。勝兵二十萬。屢入寇。執矢思力等大破之。李世勣江夏王道宗先後出塞追擊。敕勒即薛諸部皆降。置燕然都護府。後至高宗時。敕勒復叛。薛仁貴敗之於天山。敕勒復定。

太宗平高昌

高昌國卽漢車師地。其王麴文泰。貞觀四年入朝。後文泰退絕西域朝貢。及拘留中國人。帝令入朝。不至。遣侯君集討之。兵至。文泰憂懼發疾死。其子智盛立。兵敗出降。以其地爲西州。置安西都護府。其旁國焉耆龜茲之屬。皆俘其王致之京師。

太宗平吐谷渾

吐谷渾先居徙河。屬晉亂。度隴止洮水之西。隋煬帝時。其王伏允犯塞。煬帝親帥六

軍擊破之。大業之末。悉收故地爲邊患。太宗卽位。伏允大掠鄯州。詔李靖侯君集任城王道宗討之。兵至大非川。伏允子順來降。伏允遁之積中。自經而死。國人因立順爲可汗。順被弑。國內大亂。子諾曷鉢嗣立。太宗以弘化公主妻之。至高宗時爲吐蕃所滅。

太宗征天竺

天竺卽漢之身毒國。在蔥嶺西北。周三萬餘里。分爲五天竺。隋煬帝時。遣裴矩應接西蕃。諸國多有至者。惟天竺不通。帝以爲恨。貞觀十五年。唐遣使者至其國。其王大喜。遣大臣郊迎。其後又遣王玄策往使。其四天竺王皆遣使朝貢。惟中天竺王死。其臣阿羅那順篡立。發兵拒玄策。玄策逃之吐蕃。發其兵攻阿羅那順擒之。送京師。自是至元宗朝。朝貢不絕。

太宗征高麗

高麗泉蓋蘇文弑其主武立王弟子藏爲王。自爲莫離支。名實太宗自將伐之。拔遼東城。進攻安市城。高麗北部釋薩名實延壽惠真名二人帥高麗靺鞨兵十五萬救安市。高

麗有對盧。名老年習事。謂延壽曰。秦王命世之材。今舉海內之衆而來。不可敵也。莫若頓兵不戰。分遣奇兵斷其運道。延壽不從。引兵直進。去安市城四十里。帝命李世勣等迎敵。高麗兵大潰。延壽惠真降。帝名所幸山曰駐蹕山。安市城守不下。帝以遼左早寒。草枯水凍。士馬難久留。且糧食將盡。敕班師。以不能成功。深悔之。曰。魏徵在不使朕有是行也。命祀以太牢。帝至京師。謂李靖曰。吾以天下之衆。困於小夷。何也。靖言在駐蹕山時。道宗曾獻乘虛取平壤之策。帝曰。當時忽忽。吾不憶也。至高宗乾封元年。高麗蓋蘇文卒。其子男生男產男建爭政。遂爲唐所滅。

唐代諸帝四 高宗

帝初卽位。日引刺史十人入閣。問以百姓疾苦。長孫無忌褚遂良同心輔政。故永徽之治。有貞觀遺風。及立昭儀武氏爲后。二人力言不可。乃貶遂良愛州刺史。無忌削官封黔州安置。尋殺之。武氏遂與政。帝不能制。

帝承太宗之後。國威猶振。時西突厥自爲高侃破後。沙鉢羅可汗聞太宗崩。復寇邊。命蘇定方討之。沙鉢羅兵敗被執。乃分其地。置崑陵濠池二都護府。分立興昔亡繼

往絕爲二可汗。

又百濟新羅與高麗相近。帝既平高麗。使蘇定方伐百濟。虜其王義慈。新羅據有百濟故地。帝遣劉仁軌伐之。大破其兵。新羅遣使謝罪。

帝崩。太子哲即位。是爲中宗。武氏廢帝爲廬陵王。及張柬之等起兵。討武氏。迎帝復位。

唐代諸帝五 中宗

帝之遷房陵。與章后同幽閉。備嘗艱危。情愛甚篤。每聞敕使至。輒惶恐欲自殺。后止之曰。禍福無常。何遽如是。嘗與后私誓。異時復見天日。當惟卿所欲。及復位。帝每臨朝。后必施帷帳於殿側。如武后在高宗之世矣。沙門迦葉志忠奏。昔神堯未受命。天下歌桃李。文皇未受命。天下歌秦王。破陳樂。則天未受命。天下歌斌媚娘。皇后未受命。天下歌桑條章。謹上桑章歌十二曲。皇后祀先蠶。則奏之。時政出多門。濫官充溢。人以爲三無坐處。謂宰相及御史員外官也。

御史崔琬彈宗楚客。帝不窮問。令與楚客結爲兄弟。時人謂之和事天子。許州參軍

中學中國歷史讀本 卷五

十

燕欽融。上言皇后淫亂。干預國政。宗楚客圖危社稷。帝面詰之。欽融抗言不撓。楚客矯制撲殺之。帝意怏怏。后與其黨始懼。乃相與合謀。於餅餠中進毒。帝崩。后矯遣制立溫王重茂爲太子。遂卽位。相王子臨淄王隆基。罷潞州別駕在京師。陰聚才勇之士。謀匡復。會韋播數榜捶萬騎。初太宗選諸口驍勇者謂之萬騎。武萬騎皆怨。果殺葛福順。陳元禮見隆基訴之。隆基調以誅諸韋。皆踴躍自效。遂與福順等共誅諸韋典兵者。勒兵入玄武門。諸衛兵皆應之。斬韋后及安樂公主武延秀上官昭容。尸韋后於市。韋氏襁褓兒無免者。相王卽位。是爲睿宗皇帝。

武氏篡唐一

武氏名曷。并州文水人。父士讓。官荊州都督。太宗聞其美。冊爲才人。太宗崩。武氏出爲尼。高宗詣寺行香。見之而泣。時蕭淑妃有寵。王皇后嫉之。乃陰令武氏長髮。納之後宮。欲以間淑妃之寵。武氏巧慧多權數。初入宮。屈體事后。后數稱其美。未幾大幸。拜爲昭儀。后及淑妃寵皆衰。然上未有廢后意。會昭儀生女。后憐而弄之。后出。昭儀潛扼殺之。帝至。昭儀陽歡笑。發被視之。女已死。卽驚啼問左右。左右皆曰。皇后適來

此。后無以自明。遂廢后爲庶人。武氏立爲皇后。百官朝后於肅儀門。故后王氏及蕭淑妃囚於別院。帝間行至其所呼之。后泣對曰。至尊若念疇昔。使得再見日月。幸甚。帝曰。朕卽有處置。后聞之。遣人斷其手足。投酒甕中。曰使二嫗骨醉。

帝苦風眩。不能視。百司奏事。使武氏決之。處事多稱旨。由是始委以國政。權與人主侔矣。太子弘仁孝謙謹。中外屬心。武氏方逞其欲。奏請數忤旨。太子尋薨。時人以爲武氏酖之也。立賢爲太子。賢不自安。作黃臺瓜辭以風。尋亦坐廢。

高宗崩。中宗立。數月廢爲廬陵王。徙之房州。武氏乃以豫王旦爲皇帝。常居別殿。不得有所預。英公李敬業_{子勣}起兵揚州。移檄州縣。武氏見檄。問誰所爲。或對曰。賂賓王曰。宰相之過也。人有此才。而使之流落不偶乎。敬業至潤州。李孝逸擊殺之。自敬業兵起。武氏知天下人多圖己。乃盛開告密。有魚保家者。請鑄銅爲匱。上有發。可入不可出。武氏善之。未幾其怨家投匱告保家爲敬業作兵器。坐誅。時酷吏如索元禮周興來俊臣。俱以羅織得幸。其法有定百脈突地吼死猪愁求破家反是實等。中外畏之。惟徐有功杜景儉獨存平恕。被告者皆曰。遇來侯必死。遇徐杜必生。

武氏篡唐二

越王貞與其父冲舉兵匡復不克而死。常樂大長公主高祖女也。貞將起兵。遣使告之。公主謂使者曰。李氏危若朝露。諸王先帝之子。不舍生取義。欲何須耶。大丈夫當爲忠義鬼。勿徒死也。貞敗亦坐死。武氏乃大誅唐宗室。其幼弱者徙嶺南。侍御史傅遊藝上表請改國號曰周。賜皇帝姓武氏。不許。擢遊藝爲給事中。於是百官宗戚百姓四夷合六萬餘人。俱上書如遊藝所請。武氏可之。以唐爲周。改元。上尊號曰聖神皇帝。遊藝薨年中。歷衣青綠朱紫。時人謂之四時仕宦。

武氏初幸僧懷義。以爲白馬寺主。後以忤旨誅。張昌宗易之。俱年少美姿容。因太平公主武氏以進。大臣皆候其門。謂易之爲五郎。昌宗爲六郎。

武承嗣三思營求爲太子。狄仁傑從容言於武氏曰。姑姪於母子孰親。陛下立子。則千秋萬歲後。配食太廟。立姪則未聞姪爲天子。而祔姑於廟者也。武氏乃託言廬陵王有疾。召還京師。豫王旦固請遜位於廬陵王。武氏許之。立廬陵王爲太子。賜名顯。以旦爲相王。

武氏嘗問狄仁傑朕欲得一佳士誰可用者。仁傑曰。有張柬之者。其人雖老。宰相才也。武氏擢爲洛州司馬。數日又問。仁傑對曰。前薦柬之尙未用也。武氏曰。已遷矣。對曰。臣所薦者。可爲宰相。非司馬也。乃遷秋官侍郎。仁傑又薦姚元之。桓彥範。敬暉等數十人。卒成反正之功。或謂仁傑曰。桃李盡在公門。仁傑曰。薦賢爲國。非爲私也。

武氏篡唐三

武氏疾甚。張柬之與崔玄暉。敬暉。桓彥範。袁恕已謀誅之。謂李多祚曰。將軍富貴誰所致也。多祚泣曰。大帝。柬之曰。今大帝之子。爲二豎暉 範之所困。將軍不思報大帝之德乎。多祚許諾。帥羽林兵五百餘人。斬關而入。斬易之。昌宗於廡下。進至長生殿。武氏驚起問曰。亂者誰耶。多祚等對曰。易之。昌宗謀反。臣等奉太子令誅之。武氏見太子曰。小子旣誅。可還東宮。彥範進曰。太子安得更歸。昔天皇高宗以愛子託陛下。今年齒已長。久在東宮。天意人心。久思李氏。於是以武氏制命太子監國。明日傳位於太子。武氏徙居上陽宮。上尊號曰則天皇帝。踰年而死。

二張之誅也。薛季昶謂張柬之曰。二凶雖誅。祿產猶在。草不除根。終當復生。劉幽求